

مُشَاطِقَاتُ

۱۳۲۶

محل اقامه :
در سعادتده باب عالی جاده سنده
اداره مخصوصه

انتظار :

مسکونه موافق آثار جدید مع المنوبه
قبول اولتور
درج بدلهین آثار اعاده اولتور

دین ، فلسفه ، ادبیات ، حقوق و علوم دین باحث هفته لقا رساله در

مؤسسه لری : ابوالاعلا زین العابدین - ح . اشرف ادیب

تاریخ تاسیسی :
۱۱ نمبر ۳۲۴

سنه لکی	القی آیانی	درسه دنده
۶۰	۲۰	درسه دنده
۸۰	۴۰	ولایانده
۸۰	۴۰	مملک اجنبیه ده

در سعادتده نسخه بی ۵۰ پاره در

قیرلادن مقوا بورو ایله کوندریلیرسه سنوی
۲۰ فروش فضله آلنیر

در سعادتده پوسته ایله کوندریلیرسه ولایات بدلی اخذ اولتور.

ایکنجی جلد

۱۴ جمادی الاول ۱۲۷۲ پنجشنبه ۲۱ مایس ۱۳۲۵

عدد : ۳۹

تقدیرده یا حرام، یا مکروه، یا خود منافی مروت و مغایر شعار آدمیت
اوله جغندن ترکی لازم کلیر .

بو معنایه کوره حدیث مذکور غایت و جازتیه برابر بالجملة اقسام
احکامی جامع بولور. نقط قوانین بلاغتیه دهها موافق اولان احتمال
«اعملوا ما شئتم» نظم جلیلمده اولدینی کبی «فاصنع ما شئت» تعبیرینک
امر تهید، محروم حیا اولان بی وایکانه قارشیی بیان و عین اولسی
و خلاصه مفادک «اگر سن کیمسه دن اوتانیه جق، عار و حیا دن بالکلیه
عاری قاله جق اولورسه ک ایسته دیکنی یاب جزای لایقکی کوررسک»
مألندن عبارت قلمسی در .

بوتون شرح بو تفسیری ترجیح ایتمشلردرکه رجحاننده اشتباه
یوقدر . صیغه امرک مقام تهیدده استعمالی شایع اولوب کتب
اصولیه ده مذکوردر . نصیحت دیکلمه مین، خطرات واقعیه قولاق
اصمیان کیمسه صو ک جواب اولق اوزره «هایدی بیلدیکک کبی
حرکت ایله ، لندن کلنی دریغ ایتیه» دیرلرکه عاقبة الامر بلاکی
بولورسک دیمکدر . «اعملوا ما شئتم انه بما تعملون بصیر»
قول کریمی ده بوقیلندر . معنای مفادی: ای معاند قوللرا دیله دیککزی
یاییکز ، هوا پرستانه حرکاتکزدن دونیکز . الله (تعالی) بوتون
اعمالکزی ، ظاهر و باطنکزی بیلیر ، جزای لایقکزی ویرر .

فوق الغایه مهم و مدوح اولان شو حیا صفت عالیه سنکده سائر
اخلاق فاضله کبی افراط و تفریط نوعندن ایکی نقیضی واردر . بری
فرط خجلاندرکه انسان حقوقنی محافظه و مدافعه باینده خلقدن چکنمک
بیلنسی ایجاب ایدن مسائل دینه استفساری مقصدیله اربابنه مراجعته
صقلیق [۱] امر بالمعروف ، نهی عن المنکر وظائفنی ایفاده غایت جبین
اولق کبی برطاقم حالات غیر مرغوبه بی انتاج ایدر .

بونک مذمومیتنده اشتباه اولونماز . بمضاً «الحیاء یمنع الرزق»
کبی عبارتده تشبیهاً بوکده حیا اطلاق اولونور . نصل که غبطیه
حسد اطلاق واقعدر . بواطلاق مجاز اولوب حقیقت دکدر .
حیسانک تفریطدن عبارت اولان نقیض دیکری «وقاحت» تسمیه
اولونورکه عارسزلق و کستا خلق تعبیر ایتدیکمز خصلت ردیه دیمکدر .
بوصفت ذمیعه ادانی و ارادل اشخاصه مخصوصدر . اونلر شعار آدمیه
مغایر بولونان بوصفت رذیله سائقه سیله هر مذله ، هر آچاققلغه قاتلانیرلر .
هر درلو فضایح و فجایع ارتکابنه جرئت پیدا ایدرلر . محضاً بوصفت
سایسنده هر کس طرفندن و جاهاً ، غیاباً ترجیح و تلمین اولوندقلری
حالده عالم بشریت ایچنده یاشایه بیلیرلر . مفسدتلری میدان چیقار ،
بوتون عالمه قارشیی رسوای اولورلرده ذره قدر عار ایتزلر . بالعکس
بو حال نصیحت اشتمالی حقلرنده عین کمال کورمک اقتضای ایدرلر .
ایشته (فاصنع ما شئت) سری بونلرک ناصیه لرنده تماماً منجلیدر .

بوصفت رذیله ده دهها کامل ، مهسارتلری برملتک ، قوجه

[۱] عائشه صدیقہ رضی الله عنها انصار کرام قایلنلری «نم النساء نساء
الانصار لم یمنهن الحیاء ان یسألن عن امر دینهن» دیه ثنا بیورمنلردر .

بردولتک (العیاذ بالله) انقراض و انمحاسنه بادی اوله جق انواع مکائد
اجراسنه مساعد و شامل اولانلرده کورلمکده درکه بوفر و مایه لر نه قدر
یاش و حرمانه کرفتار اولسه لر هزاران ملعتله غاصب اولدقلری
استفاده مادیه بی ، الله ایتش بواندقلری حکام دنیوی بی پیشگاه انظاره
وضع و اعلان ایله « و فاز بالذلة الجسور » مصراع مشهورینی اوقویه رق
فخر و مباهات ایدرلر و « یک دم بی حیائی باقی همه حضور » سرینه
مظهریت خلیاسیله ، بلکه ده بوضورتله اولسون تاریخ عالمده ابقای نام
ایتمک فکری ایله تسلیتیاب اولورلر .

انکار اولنمازکه بوده بر شهرتدر . اما نه شهرت ! یار و اغیار
نزدنده ، بوتون اقوام نظرنده کرفتاری ملعت . وارسون اوله
اولسون ، او درلو حریفلر بوکده جان آتارلر . چونکه باشقه نه یه یارارلر؟
بوالچه زمزمی لغتله آکار خلق
سن کجه کبی کندیکی حرمتله بنام ایت

بیت مشهورینک منی علیی اولان قصه خباثتکارانه کتب محضراتده
معلومدر . باشقه صورتله کسب اشتهار ایدمه مین ارادلک بری ده اوله
بر فضاحت اجتناسار ایتش ایش . بو صرملرده شو حدیث شریفه ماصدق
اولان اثرانک هرچشیدی کورلش ، بالخاصه بغایه الله مظهر اولدیغمز
مشروطیت مشروعه سایه سنده احراز ایتدکری نعمت حریتی سوء
استعمال ایدن ارادل مقوله سنندن اولوب صحائف اقدام بی اذعانده بر
مدت بالاپروازلق ایدمک ، تواریخ عالمه ، ادبیات اسلامییه آشنالق
طاسلایارق پک چوق کنجلیری ، برطاقم ساده دللری دام تزویر و اغفالنه
دوشورمک مسمی بالنقیض سفیل معهودک بو زمرة و قاحتکاران
پیشوالرندن اولدینی — سیئات سابقه و جرائم لاحقه لرینه علاوة —
بودفه مملک اجنبیده دین و دولت دشمنلری ، اک الحاق همپارلیله
برلشهرک اوج لسان اوزره نشریات مفسدتکارانه ده بولنه جقلرینی بی
پروا ومع الافتخار اعلان ایتسیله پیشگاه انظار عمومی ده تماماً تجسم ایتشدر .
وقاحتک ، آچاققلغک ، نانکورلکک بو درجه سنه حیرت ایتمه مک
قابل دکلسمه بو شرمه ملاعینک احوال ماضیه لری دوشونولنجه بو
حیرت درعقب زائل اولمقده در .

همان وجه منحوسلرندن پرده عار و حیائی رفع ایدن عادل
ذوالجلال کندیسیله برابر بوتون امثالنک صحیفه عالمدن وجودلرینی ده
رفع و ازاله بیورسون آمین .

مناسرتی اسماعیل هفی

نجائب قرآنیہ

سوره : تکویر آیت — ۸،۹

(واذا الموءدة سئلت . بای ذنب قتلت)

[زمان جاهلیتده عربلر قیز اولادینی نقر و فاقیه دوجار اولورز

ویا خود بیورلده انلرک یوزندن ناموسمز برباد اولور مطالده سخیفه سنبه دیری دیری طوپراغه کومرلر ایدی . ایسته بویله دیری دیری طوپراغه کومولن قیزچوجغه « مؤده » دینور . جناب حق بوقربان وحشت اولان یاوریحقاری تسلیت و بوجنایت ظالمانه یی ارتکاب ایدن اوقاتلره کمال غیظ و سخطی اظهار ایچون شو طرز مؤثر ایله بیوریور . [واول دمده که مؤده به نه کنه ایله قتل اولدینی سؤال اولور ..] سزم معصومه لک نه کنه کز وار ایدی که او وحشی قاتلر سزی دیری دیری طوپراغه کومدیلر دیه کنیدیلرینه طرف الهیدن تسلیت و التفات اولق اوزره صوریلور ، بوی رحم و شفقت اولان وحشیلر حقنده اومرتبه غیظ و سخط اظهار بیوریلور که درجه خطابدن بیله اسقاط اولمشله کنیدیلرینه خطاب اولنیور .]

زمان جاهلیتده بر آدمک بر قیزی دنیایه کادکده اگر حریف معصومه یی حیاته بر اقی ایسته یور ایسه اکا بیونجه یایوکنن ویا خود قیلدن برجه کیدروب قیزجغز بادیده او آدمک دوهرلینی قیونلرینی کودر ایدی . اگر قتل ایدم جک ایسه الی یاشنه قدر بواقوب التیسنه باصیحه قیزک والدسنه [قیزی کیدر قوشت اقرباسنه کورتوره جکم] دیر وانه سی یاوریحقاری کیدروب قوشتاقدن صکره باباسی انی یانه الهرق قیره کورتور ایدی . قیرده بر چقور قازار وچو جینی چقورک یانه یاقلاشیدروب چقوره باق دیر ایدی . او ظالمک ایدم جکی غدر ووحشتدن بی خبر اولان یاوریحقغز چقوره باقارایکن ارقه سندن چقوره ایتر واوزرینه طوپرائی بوشالروب همان چقوری یرله برابر دوم دوز ایدردی . بعضیلری دیدی که اوزمان وحشت نشانه برکه خاتونک طوغورمسی یاقلاشقدن بچاره قادین حسب المجبوریه بر چقور قازار ، چقورک باشنده آغیریلرینی کچیر ایدی . اگر قیز طوغار ایسه انی چقوره اتوب بر اقور ، شاید اوغلان ایسه الیقویاردی .

صحابه کرامدن بر ذات دیر ایدی که زمان جاهلیتده ایکی عادت مز وار ایدی . بعدالاسلام بو ایکی عادتدن بری خاطر مه کلدجه کولرم ، دیگرینی تخطرایدنجه یورکم سزلاره کوز یاشلرم نهرلرکی سیلان ایدر . کولدیکم عادت شو ایدی که حلوان معبودلر یاپوب بونلره تعبد و پرستش ایدر ایدک . صکره آجیقنجه اوطاپندیغمز معبودلری یر ایدک . دیگرکی بوکه برکون یتشمش بر قیزی دیری دیری کوممک اوزره بادیه به کورتوردم ، چقور قازار ایکن صقاله طوپرائی قوندی . قیزم : [صقالکه طوپراق قونمش باباجم ! سیلکهیم] دیه رک طوپرائی الیه سیلکدی . بنینه رحم و شفقت ایتمدم و بر مقتضای عادت جاهلیه آه ! او بیکنه یاوریحقغزی الله دیری دیری کومدم . بونی سویلدی و او یاد دلخراش ایله هونکور هونکور اغلادی . « ولاتقتلوا اولادکم خشیه املاق نحن نرزقهم وایاکم ان قتلهم کان خطا کبیرا » .

جناب رب کریم قوللرینه پک رؤف ورحیمدر . بری برلریله دائما حسن معاشرت ایتملرینی امر ایدر . ناسه اذی و جفا ایدلره ، خلقی رنجیده دل ایلانلره ، قتل نفسه جرأت ایدلره غضب ایلر .

بغیر حق بر نفسی قتل ایدن کویا بتون خلقی قتل ایتمش ، بر نفسی احیا ایلان کویا بتون خلقی احیا ایلش اولور بیورر . هله او معصومه لک حیاتی اویله مطالعات سخیفانه به فدا ایدن وحشی قاتلاری کمال نفرتله یاد ایدر . ارکک چوجقار کی قیز چوجقارده بر انعام فطرت ایکن بونلرک حیاتی استتقال ایدن ، بونلردن خشنودا و لیان بابالری باقک ! کتاب عزیزینک دیگر بر محلنده نصل تعیب و تقییح بیوریور : « واذا بشر احدکم بالاشی ظل وجهه مسوداً و هو کظیم . یتواری من القوم من سوء ما بشر به أيمسکه علی هون ام یدسه فی التراب الا ساء ما یحکمون » . انلردن برینه قیزک طوغدی دیه خبر ویرلکده بر غیظ و حدت اوله رق یوزی سیم سیاه کیلور [مغموم و مکدر اولور] . [کویا] کندوسنه فنا بر خبر ویرلش اولسندن طولای [حجاب ایدوب] قومندن کیزله نور ، [خاطرندن کچرکه] بونی ذل و حقارت ایله [حیاته] بر اقییم می یوقسه طوپراغه می کومهیم ، آکاه اولک بو آدمکر نه چیرکین حکم ایدیورلر [نه کورتو تفکرلده بولنیورلر] .

سوره مطففین آیت ۱، ۲، ۳، ۴، ۵، ۶

« ویل للمطففین . الذین اذا اکتالوا علی الناس یستوفون . و اذا کالوهم اوزونوهم یخسرون . الا یظن اولئک انهم مبعوثون . لیوم عظیم . یوم یقوم الناس لرب العالمین » .

ویل [عذاب اندر عذاب] اومطففلره که . ناسندن اولچی ایله برشی الدقیری وقت ، [اولچی یی صاللامق واولچیلن شیئه باصحق کی نه قدر ممکن حیلله واریسه انلرک هپسینی یاهررق] حقلرینی [معزیاده] تماماً اولچوب الورلر . وناس ایچون برشی اولچیجک ویا طارته جق اولسلر اکسک اولچر اکسک طارتارلر . [انلر بوغدر وخیانته نصل جرأت ایدیورلر ، بوار تکابلرینه تعجب اولنسون] انلر صانیمورلرمی که [هول ودهشتنه حدو پایان اولیان] عظیم برکون ایچون بعث اولنورلر . اوکون که ناس رب العالمین [ک حکم و قضاسی] ایچون قائماً طوره جق [و بر ذره و خردل مقداری برحقدن طولای حساب ویره جک] درلر . تطیف : برشیئی نقصان اولچمک ویا نقصان طارتمقدر . بو آیات کریمده کورولیور که اکسک اولچنلر واکسک طارتانلر حقنده نه قدر شدت نه قدر وعید وار . بومقوله لر دنیاده رسوای و بدنام اولدقاری کی حضور رب العالمینده شدتله مسؤل و معاتب اوله جق درلر . اخذ واعطاسنده غدر و خدعه یه سالک اولمش هیچ بر تاجر کورلما مشدر که ضرر وزیانه اوغرامسون ، النهایه معامله سی بسبتون بوزیلهررق برباد وپریشان اولسون . تجارتنده التزام استقامت و امانت ایدن تاجرلر مالک ربح و نماسیله کامران و نائل ثروت فراوان اولورلر . کمال حیرت ایله کورمکده اولدیغمز او جسیم جسیم مؤسسات تجاریه هپ ثمره استقامت و امانتدر .

احديه هر درلو آمال ومقاصدمه رهبر اولدى . شمدى ده ملت ومملكتك استجاب اقبال ونجاتى تأمينه مدار يكانه اولان و شريعت احديه نك احكام اساسيه سندن برى تشكيل ايدن قاعده مشورتك بو دفعه تأسس وتاينده صفت خلافت وامامى احراز ايلدم .

هر آووج طوپراغى اولادى نك خون پاكيه يوغوريان وطن مباركه مزك اعتلاى شان وشوكتى واولاد وطنك تأمين رفاه وسادتي ايجون هر درلو اسباب ووسائطه مراجعت ايدم جكم . توفيق الله ندر .

معلوم اولسون كه حكومت مشروعه مشروطه مزك حدود طبيعى حاضره سنى اله كچمز برقلعه كى محافظه ايتك واوونى لايق اولدينى مرتبه عمران و ترقى به اولاشدير مق ومنافع وطن وملتى استحصال وتأمين ايتك انجق اردو ودوننامزك قابليت مسامه عسكرى سنى حقيه وكاليه تزييد وانضباط وانتظام لازمك درجه مطلوبه به ايصاليله ممكن اوله بيله جكندن عسكرلكك بتون معالى حقيقه سيه ترقى به مظهرى تنى كورمك ايستم . نصيب خدادندر .

اجدادكزك اوحيلى مردان كاروزارك باشنه كچمكه عثمانليغك نام ميجلنى عمومه تسليم ايتدين وزوال ناپذير بر دولت قوى الشكمه تشكيل ايدن اجدادمك حفيد لائق اولديغى اثبات ايدم جكم . غايت كبريادندر .

اردو مقدس وظيفه سنى حقيه ايفا ايدرك اطاعتى ايله ، انتظاميله ، شجاعتيه ، مملكت وملتك ، صارصلمز ، دويرلمز ، ذى حيات برقلعه سى مهابتنده بولندينى زمانلر دولتك شان وشهرتى آفاقى طوتمشدى . بالعكس اردو اللهك امرينه ، پيغمبرك رضاسنه ، خليفه سنك فرمان واشارته وضابطرينك اوامرينه مخالف حرکاته قيام ايدرك ضلال وغفلت ، فساد وجهالت واديلرينه صابوب دين ومذهبنه ، مملكت وملته ، پادشاهنه وآمرلرينه ، بابالرينه ، آنالرينه قارشى وظيفه سنى اونوتدينى ، اطاعتى كوشه يهرك ، انتظامى بوزوله رق كنديسنه مودوع اولان تأمين سلامت وطن بورجنى اوده مديكى وقتلرده بوبوك دولت تماميله دويريله جك قدر صارصلمز ايدى .

ازدونك هرشيدن اقدام ضبط وربط ايله تأمين موفقيت ايدم جكى نظردقتن دورطوتليه جق حقايقدن اولديغنه بناء بوخصوصك تأمين حصول ودواى ايجون مافوقه شفقت ، مادونه اطاعت امر ايلدم .

قوانين ونظامات موضوعه من احكامنه بتون موجوديتيله ، بتون آرزو ووجدانيه امتثال ايدم جك ارکان وامرا وضابطان وعسكر اولادى تحسین وعكسنى التزام ايدم جكلرك بر بابانك خرچين وعاصى اوغلنه يابه جنى مجازاته تاديب اولنه جقلرينى بيان ايلدم .

تأسيسات صمدانيه يى ممنى اولديغم حالده مشروطيت مشروعه مزك نكهمان دائميى اولان اردو ودوننامزك قوت وشوكته استناد ايدرك شرع شريفك احكام ودقائق منيفه سنه مطابق اولان قانون اساسى به عمرمك صوك نفسه قدر صادق قاله جغه جناب احكم الحاكيى اشهاد ايلدم .

بزدارينده باعث نجات وفلاحى بولسان اواخر وتعليات الهيه يى وخير الاسلامك نمونه حسن اقتدا اولان حرکات نمودوجه سنى كندمزه رهبر ايدم ده شو محيط سفلت وعطالندن صيريله رق برجهان فعاليتيه يوكسه لم . اله ويروب چالشه رق رضاء اللهى استحصاله جهد ايدم . ديارمزي شوكت قوميه مزي استقامت ايله فعاليت ايله احيا ايلدم . ﴿وتعاونوا على البر والتقوى ولا تعاونوا على الاثم والعدوان﴾ .

ابن عمر رضى الله عنهما حضرتلى بركون بو سوره يى تلاوت ايدور ايدى . ﴿يوم يقوم الناس لرب العالمين﴾ قول شريفه كلنجه كندينى طوته ميوب صوت بلند ايله بكا ايتدى وملاحظه حساب وجزا ايله بكاسى غلبه ايدوب مابعدى اوقويه جق كندمه حال قالمدى .

ملوك امويهدن عبدالملك بن مروانه براعرابى ديدى كه جناب حقك مظفر حقدنه نه بيوردىغى ، يعنى از برشيئك بغير حق اخذندن طولاني آنلره نه عظيم وعيد توجه ايتديكى ايشتك وايشيدورسين . ياسن كه اموال مسلمينى اولچيسز طاريسز اليورسين ، كندك ايجون نه ظن وتخمين ايدرسين ؟

مرويدر كه رسول اكرم صلى الله تعالى عليه وسلم افندمز مدينه يى تشریف بيوردقلى زمان مدينه اهاليلى كيل خصوصنده پك غدار ايديلر . بو آيات جليله شرف نزول ايتمسيه معامله لرينى اصلاح ايديلر . ﴿واوفوا الكيل اذا كتم وزنوا بالقسطاس المستقيم﴾ . ذلك خير واحسن تاويلا .

﴿الحمد لله على التمام والصلوة والسلام على محمد المصطفى سيد الانام وعلى آله وصحبه الكرام والذين اتبعوهم باحسان الى يوم القيام﴾ .

بركت زاده : اسماعيل مهنى

صراط مستقيم

صراط مستقيمك صحائف مفخرته زينت بخش اولان «نجايب قرآنيه» بو نسخه ده ختام بولدى . كرك درسعادت وكرك ولاياتدن اظهار اولنان شوق ورغبتهمبى بمنه الكريم ياقينده مستقلا كتاب شكلنده طبع ايديله جكى تبشير اولنور . آيات فرقنيه به حرکه وضع اوله جق ونفيس كاغد اوزرينه تمثيل ايديله جكدر .

امير المؤمنين سلطان محمد شاه خراسى حضرتلى طرف اشرف شاهانه اراده نظير بيريلوب برى ريمى عاكر عثمانى بى راء اشرف رمفورت ايه نظر همابره جناب مهندي اهي صورتى در :

عسكر اولادلرم

الله ذوالجلالك لطف وعنايتى ، پيغمبر ذیشانك هبات وشفاعتى ، عناصر عثمانيه نك آرزو وبيعتى ، تاريخ حيات ملتى مظفرياتيله طولديران عسكرك حيت وسطوتيله اجدادمك تحت برنجى مشروطيت پادشاهى اوله رق جلوس ايتدم .

جناب حقه حمد وثنا ايلدم كه عمرمك بو دقيقه سنه قدر شريعت